

SKUPŠTINA KANTONA SARAJEVO

n/r predsjedavajućeg

PREDMET: Zastupnička inicijativa, dostavlja se

Na osnovu čl. 106. i 129. Poslovnika Skupštine Kantona Sarajevo („Službene novine Kantona Sarajevo”, broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24) podnosim Inicijativu za izmjene i dopune Zakona o posebnim programima Kantona Sarajevo za memorijalizaciju genocida, podršku povratku i razvoju srebrenice, pomoći žrtvama i porodicama žrtava genocida nad bošnjacima zaštićene zone UN “Srebrenica” („Službene novine Kantona Sarajevo”, broj: 18/22).

Ovom inicijativom predlažem da se pristupi izmjenama i dopunama Zakona o posebnim programima Kantona Sarajevo za memorijalizaciju genocida, podršku povratku i razvoju Srebrenice, pomoći žrtvama i porodicama žrtava genocida nad Bošnjacima zaštićene zone UN “Srebrenica” („Službene novine Kantona Sarajevo”, broj 18/22), radi:

- proširenja teritorijalnog obuhvata zakona na cijelu regiju istočne Bosne,
- izmjene sjedišta Ureda radi efikasnije primjene zakona.

O b r a z l o ž e n j e

Važeći zakon, iako usvojen s ciljem podrške povratku i razvoju Srebrenice, u svojoj primjeni pokazuje nekoliko ključnih ograničenja:

Teritorijalna ograničenost — Zakon se odnosi isključivo na općinu Srebrenica, iako su stradanja, progon i demografske posljedice genocida podjednako pogodile i susjedne općine regije istočne Bosne (Bratunac, Milići, Vlasenica, Han Pijesak, Sokolac, Zvornik, Osmaci, Višegrad, Rogatica u bosanskohercegovačkom entitetu Republika Srpska).

Pravno-tehnička neusklađenost — Sjedište Ureda je zakonom određeno u Srebrenici, iako se radi o organu Kantona Sarajevo, što nije moguće izvesti u skladu s propisima o nadležnosti i budžetskom poslovanju.

Predložene izmjene i dopune osiguravaju:

- pravnu ispravnost u pogledu nadležnosti i sjedišta Ureda,
- ravnopravan pristup programima podrške svim povratnicima i žrtvama genocida u regiji istočne Bosne.

Usvajanjem ovih izmjena i dopuna, Kanton Sarajevo potvrđuje svoju posvećenost očuvanju sjećanja na genocid, jačanju prava žrtava i njihovih porodica, te podršci povratku i razvoju područja pogođenih genocidom.

Sarajevo, 04.02.2026.godine

Zastupnik Elvedin Okerić